



Datum: 08.01.2020. godine

Broj: 09-3/20

Na osnovu članova 25., 32., 70. stav (1), (3) i (6), člana 69. i člana 64. stav 1. tačka b) Zakona o javnim nabavkama BiH ("Službeni glasnik BiH", broj: 39/14), člana 8. Statuta SERDA d.o.o. Sarajevo – Prečišćeni tekst, te Zapisnika o pregledu i ocjeni ponuda, donosim:

O D L U K U o izboru najpovoljnijeg ponuđača

I

1. Prihvata se Ponuda ponuđača: GoBook d.o.o. Visoko, br. ponude: 211/19 od 18.11.2019. godine za javnu nabavku usluga: avio prevoza-obezbjeđivanja avionskih karata za potrebe SERDA d.o.o. i potrebe projekata koje SERDA implementira, u postupku Otvoreni postupak. Cijena ponude bez PDV-a iznosi 0,64 KM, odnosno sa PDV-om iznosi 0,75 KM.

II

2. Sa navedenim ponuđačem će se zaključiti Okvirni sporazum o nabavci usluga.

O b r a z l o ž e n j e

Obavještenje o nabavci broj 381-1-2-146-3-24/19 za javnu nabavku- avio prevoza-obezbjeđivanja avionskih karata za potrebe SERDA d.o.o. i potrebe projekata koje SERDA implementira je objavljeno putem sistema „e-nabavke“ 07.11.2019. godine.

Obavještenje o nabavci broj 381-1-2-146-3-24/19 je objavljeno i u „Službenom glasniku BiH“, broj: 75/19 od 15.11.2019. godine

Tendersku dokumentaciju u postupku javne nabavke po tenderu broj JN-390/19- „avio prevoza-obezbjeđivanja avionskih karata za potrebe SERDA d.o.o. i potrebe projekata koje SERDA implementira“ putem sistema „e-nabavke“ preuzelo je 10 ponuđača. Rok za podnošenje ponuda je bio 28.11.2019. godine do 12:00 sati.

U ostavljenom roku za preuzimanje i dostavu ponuda svoje ponude su dostavili slijedeći ponuđači: GoBook d.o.o. Visoko, Centrotrans-eurolines d.d. Sarajevo, Fortuna tours d.o.o. Mostar, Travel plan d.o.o. Banja Luka, BH PASSPORT d.o.o. Sarajevo i Relax Tours d.o.o. Sarajevo.

Ponuđači su dostavili ponude sa cijenama kako slijedi:



R. br.	PONUĐAČ	Cijena na (javnom otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	GoBook d.o.o. Visoko	0,64	0,75
2.	Centrotrans-eurolines d.d. Sarajevo	17,10	20,00
3.	Fortuna tours d.o.o. Mostar	4,00	4,68
4.	Travel plan d.o.o. Banja Luka	0,85	1,00
5.	BH PASSPORT d.o.o. Sarajevo	1,00 (10,00 – 9,00 popust)	1,17
6.	Relax tours d.o.o. Sarajevo	4,15	5,00

Nakon otvaranja ponuda, pristupilo se analizi dokumenata priloženih uz ponude u smislu provjere validnosti obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima i utvrđeno je sljedeće:

a) Ponuda ponuđača FORTUNA TOURS d.o.o. Mostar je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što ponuđač nije dostavio „kopiju“ ponude, a u Tenderskoj dokumentaciji broj: JN-390/19 (na strani 9), pod tačkom 15. drugi pasus zahtjevano je da se ponuda predaje kao „original“ i „kopija“.

b) Ponuda ponuđača TRAVEL PLAN d.o.o. Banja Luka je u skladu sa članom 68. Zakona o javnim nabavkama („Službeni glasnik BiH“, broj 39/14), odbačena iz razloga što ponuđač nije dostavio prevod certifikata od strane IATA (International Air Transport Association), kako je to regulisano u tački 22. Tenderske dokumentacije broj: JN-390/19.

Također, Ponuđač je u Ponudi dostavio neispravno popunjen Nacrt Okvirnog sporazuma, odnosno nije popunio tražene podatke u članovima 1. i 2. Nacrta, kako je to regulisano tačkom 28. Tenderske dokumentacije broj: JN-390/19.

c) Ponuda ponuđača BH PASSPORT d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što Ponuđač nije ispravno popunio Nacrt Okvirnog sporazuma, odnosno nije popunio tražene podatke u članovima 1. i 2. Nacrta, kako je to regulisano tačkom 28. Tenderske dokumentacije broj: JN-390/19.

Ponuđač nije dostavio Izjavu o ispunjenosti uslova iz člana 45. Zakona o javnim nabavkama- Anex IV, kako je to regulisano Tenderskom dokumentacijom broj: JN-390/19, već je dostavio 4 uvjerenja od strane: UIO BiH, PU FBiH i dva uvjerenja

Općinskog Suda Sarajevo, bez uvjerenja Suda BiH koje se odnosi na evidenciju da ponuđač nije u krivičnom postupku osuđen pravosnažnom presudom za krivična dijela organizovanog kriminala, korupciju, prevaru ili pranje novca, u skladu sa važećim propisima BiH, što nije prihvatljivo.

d) Ponuda ponuđača RELAX TOURS d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što Ponuđač nije ispravno popunio Nacrt Okvirnog sporazuma, odnosno nije popunio tražene podatke u članu 1. Nacrta, kako je to regulisano tačkom 28. Tenderske dokumentacije broj: JN-390/19.

Ponuđač nije dostavio Referens listu glavnih usluga za posljednje dvije godine ili od dana registracije koja mora sadržavati sljedeće: a) naziv i sjedište ugovornih strana ili privrednih subjekata, b) predmet ugovora, c) vrijednost ugovora, d) vrijeme i mjesto izvršenja ugovora i minimalno dvije potvrde o uredno izvršenim ugovorima, a koje obavezno sadrže: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora, kako je to regulisano Tenderskom dokumentacijom broj: JN-390/19 na strani 7. A pod tačkom 13.2. Tehnička i profesionalna sposobnost.

Ponuđač je dostavio Referentnu listu za prethodne dvije godine, ali sa podacima samo za 2019. godinu sa navodima naziva ugovornih strana, sa navedenim sjedištem i brojeve telefona istih. Dakle na referentnoj listi pored naziva i sjedišta ugovornih strana nisu navedeni zahtjevani podaci koji se odnose na predmet ugovora, vrijednost ugovora i vrijeme i mjesto izvršenja ugovora.

Dalje, od dvije dostavljene potvrde o uredno izvršenim ugovorima koje su izdali korisnici usluga, jedna se ne može prihvatiti jer nema podataka koje se odnose na predmet ugovora, vrijednost ugovora i vrijeme i mjesto izvršenja ugovora, što nije prihvatljivo.

U skladu sa članom 66. ZJN BiH („Službeni glasnik BiH“, broj 39/14) i članom 17. Uputstva za pripremu modela tenderske dokumentacije i ponuda („Službeni glasnik BiH“, broj 90/14), Zahtjev za objašnjenje neprirodno niske ponuđene cijene u postupku javne nabavke: Usluge avio prevoza-obezbjeđivanja avionskih karata za potrebe SERDA d.o.o. i potrebe projekata koje SERDA implementira“, broj: I-364/19 od 26.12.2019. godine dostavljen je ponuđaču GoBook d.o.o. Visoko.

U ostavljenom roku, 27.12.2019. godine, Ponuđač je dostavio pismeno detaljno objašnjenje ponuđene cijene koje je prihvatljivo.

Rezime: Nije bilo razloga za isključenje ponuđača: GoBook d.o.o. Visoko i Centrotrans-eurolines d.d. Sarajevo.

Analizom ponude ponuđača: GoBook d.o.o. Visoko i Centrotrans-eurolines d.d. Sarajevo za ovu nabavku u vezi ekonomske i profesionalne sposobnosti utvrđeno je da nema razloga za odbijanje.





Rangiranje prihvatljivih ponuda prema kriteriju "najniža cijena" za izbor ponude, izgleda ovako:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	GoBook d.o.o. Visoko	0,64	0,75
2.	Centrotrans-eurolines d.d. Sarajevo	17,10	20,00

S obzirom da je ponuda ponuđača GoBook d.o.o. Visoko ocijenjena kao najprihvatljivija, predlaže se prihvatanje ponude, te shodno odredbama članova 64. stav (1) tačka b) i 70. Zakona, donošenje odluke o izboru ponude ponuđača GoBook d.o.o. Visoko, kao najpovoljnije za predmetnu nabavku. Cijena ponude bez PDV-a iznosi 0,64 KM, odnosno sa PDV-om iznosi 0,75 KM.

Imajući u vidu prednje navedeno, Ugovorni organ je donio Odluku kao u dispozitivu.

Protiv ove Odluke svaki od ponuđača/dobavljača koji nije izabran ima pravo da podnese žalbu u roku od deset dana od dana prijema ove odluke.

Žalba se podnosi Ugovornom organu SERDA d.o.o., u pisanoj formi.


DIREKTOR
dr. Ševkija Okerić

Dostaviti:
- Ponuđačima
- Web stranica
- a/a

